

Smog

Tristuraren erakarpena

Knock knock ate jo-
ka dator Kafe Antzokira.
Smog taldearen lan be-
rria da **Knock-Knock**, eta
etzi (larunbata) Kafe An-
tzokian izango dira Mo-
raurekin batera,
21:00etan.

Smog taldeak badu
izen bat atzetik, Bill Calla-
han. Taldeko abeslaria, hi-
tzen egilea eta gitarra jo-
lea da country-rock ame-
rikarraren ondorengoe-
tako bat. Lo-fi ardatzari
eutsi dio Smogek eta hala
helduko da Bilbora ere.

Erritmo lasaiak, melan-
koliotsuak ia, jorratzen
ditu Callahanek. Tristura
sinplearen ordezkarieta-
ko bat da Smog, eta. Hain
dira sinpleak erritmoak,
hain dira lasaiak, asko-
tan errepikakorrek bilakatzen direla. Baina era bere-
an, eta inork nola ez dakiela, bereganatu egiten du
entzulea Smog-ek, giro lasaian, patxadaz, biluzik sen-
tiarazten gaitu taldeak.

11 urteren osteko fruitua da azken lan hori, baina
heldutasunean baino «nerabetasunean» oinarritzen
dela azaldu izan du Bill Callahanek berak. 1988. urte-
an kaset batekin irten ziren merkatura. Hala, nahita

edo nahi gabe, orduan **grunge** korronteak izandako
porrotak utzitako hutsunea bete zuen taldeetako
bat bilakatu zen Smog, beste hainbat talderekin
batera, jakina: Jayhawks, Palace, Uncle Tupelo,
Lambchop edo Codeine, besteak beste.

Smog zuzenean ikusi eta entzuteko aukera ez da
sarritan izaten, eta dudan dagoenak ere hobe du etzi-
ko aukera aprobetxatu. ■ ane sarasketa

Argentinako



A.N.I.M.A.L.-ak

asier iturriagaetxebarria

Asteburu mugitua izango
da hau Bergarako Jam areto-
an, eta aztoramendurik hiri-
diena larunbatean izango da,
seguruenik. Egun horretan,
Argentinako A.N.I.M.A.L.
power-metal taldea izango
da. Azpimarratzekoa da Max
Cavalerak, Sepultura taldeko
abeslari ohi eta Soulfly talde-
ko egungo liderrak, produk-
zio lanak egin dituela haien
azken lanean, *Poder latino*
diskoan.

A.N.I.M.A.L.-en metalaren
aurretik, ska musika izango
da nagusi Jam aretoan. Osti-
ralean, Kaliforniako Voodoo
Glow Skulls izango da bertan.
Epitaph disketxe ezagunaren
babesean azalduko dira Ber-
garan. Ostegunean, berriz,
ska musikaren sortzaileen bi-
sita izango dugu, Jamaikako
Skatalites talde beteranora
etorriko baita Bergarara.

Giro

espaziala Kafe Antzokian

a. i.
Ingalaterrako eta
EEBBetako un-
derground giroan
oso miretsia den
musikari baten
bisita izango du-
gu gaur. Haren
izena Peter Kem-
bar da, baina So-
nic Boom ezizena
erabiltzen du
musika mun-
dian: huraxe ezkutatzen da
Spectrum taldearen atzean.
Spectrumen jatorria Space-
man 3 taldean dago, 80ko
hamarkada erdialdean In-
galaterrako rock alternati-
boan arrakasta lortu zuen
talde hura. Spaceman 3-rekin arrakastatik
urrun zeuden soinuak jorratzen zituen, eta
are gehiago Spectrumekin.

Forever alien lana aurkeztera etorriko da
Bilbora. Abesti lasaiek osatzen dute diskoa,
presa gabe aurrera egiten duten horietako-
ek. Sonic Boomek giro bereziak sortzen ditu




Spectrum eta Come
taldeak Bilbon
izango dira gaur

sintetizadoreekin, giro es-
pazialak.

Spectrumekin batera,
Come taldea izango da.
Thalia Zedek da Bostongo
talde horren gidaria eta
liderra. 1990ean *Fast piss*

blues diskoarekin jendaurrean agertu zire-
nean, Patti Smith eta Stoogesen nahasketa
zirela esan zuten batzuek. Haien azken
lana *Gently down the stream* da. Spectru-
men giro berezien ostean, rock musika
entzuteko parada, beraz, gaur gauean Kafe
Antzokian.


IDI BIHOTZ



ARIMAERRATU
CD-K7 SALGAI

EUSKAL
METALAREN
DANIATEKOA

eskatu katalogoa
doan



Portuetxe kalea, 88 bis. Donostia 20018. Gipuzkoa.
Tel.943310267 Faxa 943310216
e-mail: oihuka@jalgi.com <http://www.jalgi.com/oihuka>